

## Wárágà Yòwánì dré tisìle dhi ni na

*Wárágà kònìdhi ni tà àndu ngìle drìdrì dhi*

Kònìdhi wárágà Yòwánì dré tisìle dhi ni na 'i. Akódhi adré tisíà Yésu ni ka'ilepi àlo rú be Gáyò, adrélépi tá tròle tà bàti rú dhi dré. Yòwánì adré Gáyò nda ni tà bha kuru, dré tá adrélé móndí ka'ibhá ki ledé lile àyi ki atsí na Krísto ni tà sè dhi sè. Adré kpà akódhi ni kodzó, kàdréro áyi líkí agó àlo rú be Dìyòtréfè dhi ni tà kònzì sè.

*Tà kàdrìkàdrì wárágà kònìdhi léna dhi ki atìma*

- 1) Yòwánì ni mòdo fèma (1:1-4)
- 2) Gáyò ni tà dóro dhi (1:5-8)
- 3) Dìyòtréfè ni tà, Dèmètríyò àdhyà be dhi (1:9-12)
- 4) Kúlí kùdù (1:13-15)

*Yòwánì ni mòdo fèma*

<sup>1</sup> Ma, bhàgo, má adré wárágà kònìdhi ni tisì mi, áma arúpi Gáyò, má dré lèle tà bàti na dhi dré.

<sup>2</sup> Áma arúpi má dré lèle tò ni, má adré tà zi Gíká tí, mí kàdréro dóro tà títi i sè, ìndì ámi rúbhá kàdréro dóro, ngóro ámi tà ka'íka'í dré kpà adrélé dóro dhi tíni.

<sup>3</sup> Má lenzé tá lavúlé, àma ki adrúpi àruka ì dré atsálé ámi tà ta má dré dhi sè. Tàko ko, ì títi tá, mí adré tròle tà bàti rú, adrézó kpà atsílé tà bàti na ngíni ya dhi.

4 Má kàdré yǎ tǎle dhi, áma ànzì ì adré atsilé tǎ bàti na dhi, tǎ nda adré áma fe lenzélé lavulé.

*Gáyò ni tǎ dóro dhi*

5 Áma arúpi má dré lèle tò ni, mí adré ámi tǎ ka'ika'í tadhá, tǎ dóro mí dré adréle 'òle àma ki adrúpi ì dré dhi ì sè. Mí adré 'òá kònini, tǎgba ì dré adrézó mǎndí twá mí dré nìle ko dhi 'ì dhi.

6 Àyi nda ì tǎ ámi lèle ni tǎ Èkèlézyà kónwa dhi kandrǎ. Dì mí ni 'òá dóro, mí kǒgò adréle mǎndí lǎsú be kònini dhi ki ledé lèle àyi ki atsi na, ngóro dré kitswǎlé Gíká mǐlèsè dhi tǐni.

7 Tǎko ko, àyi nda ì adré lèle atsi na Krísto ni tǎ sè, ìndì ì adré ngá kisú pǎgánò ì drígàsè àlomvá ko.

8 Adré dì lèá dhi, mà kàdré mǎndyá lǎsú be kònini dhi ki ledé, mà kàdréró àzì 'o tǔmǎní àyi ìbe tǎ bàti ni tǎ sè.

*Dìyòtréfè ni tǎ, Dèmètríyò àdhyà be dhi*

9 Má tisì tǎ wǎrǎgà tsà Èkèlézyà mí véna dhi dré dre. Dì, Dìyòtréfè, adrélépi lèá adréle drìdrì àmi kǒfalé dhi, lè ína àma ki kúlí yǐle ko.

10 Tǎ nda sè dhi, má kòtsa àmi véna dre dhi, má ni tǎ kònzi dré adréle 'òle dhi ki ta mǎndyá tǐtí ì kandrǎ, tǔmǎní kúlí kònzi dré adréle tǎle àma rú dhi ìbe. Dì, tǎ dré adréle 'òle nda ì kitswǎ dhu rè akódhi dré ko. Adré kpà àma ki adrúpi ki ka'í dòle í véna ko. Adré kpà mǎndyá adrébhá àyi nda ki le ka'ile dhi ki logá, adrézó àyi ki dro pfòle Èkèlézyà 'àsè.

11 Áma arúpi má dré lèle tò ni, mí kàdré tǎ 'o ngóro mǎndyá adrébhá tǎ kònzi 'o dhi kya tǐni ko. Be ró dhi, mí kàdré mína tǎ 'o ngóro

móndyá adrébhá tà dóro 'o dhi kya tíni. Tàko ko, dhya ángùdhi adrélépi tà dóro 'o dhi, móndí Gíká àdhya 'i. Di, dhya adrélépi tà kònzì 'o dhi nǐ ína Gíká ko.

<sup>12</sup> Di, kàdré ína Dèmètríyò nǐ tà sè dhi, móndyá tíí dhi ì adré akódhi nǐ tà ta dóro. Ndìndì tà bàti nǐ tàndì adré akódhi nǐ tà ta dóro. Mà adré kpà akódhi nǐ tà ta dóro. Mí nǐ tàle dhi, tà mà dré adrélé tàle nda tà bàti 'i dhi be.

*Yòwánì nǐ kúlì kùdù*

<sup>13</sup> Ma dhu rè tà íbe bí tàle mí dré. Di, má lè mána tà nda kí tisìle wárágà fa sè ìndì wárágà sú sè ko.

<sup>14</sup> Má adré mǐ bha tsàzo ámi no mbèlè, mà kòkìswáró tà ta ti sè.

<sup>15</sup> Tà kìdríkìdri kàdré tùmání mí be. Ama kí arúpi kònwa dhi ì fè mòdo mí dré. Mí kòfè kpà mòdo àma kí arúpi àlo àlo tíí dhi ì dré, adrézó àyi kí zi rú sè.

**Logo (Logoti)**  
**Logoti (Logo): BUKU TA TIDHI//RU YIZO DHI ADHYA**  
**New Testament**

copyright © 2015 Wycliffe Bible Translators, Inc.

Language: Logo

Contributor: Wycliffe Bible Translators, Inc.

All rights reserved.

2025-05-10

---

PDF generated using Haiola and XeLaTeX on 10 May 2025 from source  
files dated 10 May 2025

942af0a0-42ea-5477-8f1a-fed39823f32b